

**"Жиззахдонмаксулотлари"
акциядорлик жамияти
акциядорларининг 2014
йил 26 сентябр кунги
навбатдан ташқари
умумий йиғилишишининг
қарори билан
тасдиқланган.**

**«ЖИЗЗАХДОНМАХСУЛОТЛАРИ»
АКЦИЯДОРЛИК ЖАМИЯТИ
акциядорларининг умумий
йиғилиши тўғрисида
НИЗОМ**

(Янги таҳрирда)

Жиззах шаҳри - 2014 й.

I. УМУМИЙ ҚОИДАЛАР

1.1. Мазкур Низом билан "Жиззахдоммахсулотлари" акциядорлик жамияти умумий йиғилиши мақоми ва фаолият тартиби, уни олиб бориш ва қарорларни қабул қилиш тартиби белгиланади.

1.2. Мазкур Низом Ўзбекистон Республикаси "Акциядорлик жамиятлари ва акциядорлар хукуқларини ҳимоялаш тўғрисида"ти Конунига ва акциядорлик жамияти Уставига мувофик тузилган.

1.3. Акциядорларнинг умумий йиғилиши жамиятнинг юқори бошқарув органидир.

1.4. Жамият акциядорларининг навбатдаги йиллик умумий йиғилиши ҳар йили молия йили тугаганидан кейин олти ойдан кечиктирмай ўтказилади.

1.5. Акциядорларнинг йиллик умумий йиғилишида Жамият Устави ва ушбу Низом билан белгиланган акциядорлар умумий йиғилишининг ваколатларига киритилган масалалар кўриб чиқилади.

1.6. Акциядорларнинг йиллик умумий йиғилишидан ташқари ўтказиладиган умумий йиғилишлари навбатдан ташқари йиғилиш ҳисобланади.

1.7. Акциядорларнинг умумий йиғилиши ўтказиладиган сана ва уни ўтказиш тартиби, йиғилиш ўтказилиши ҳақида акциядорларга хабар бериш тартиби, акциядорларнинг умумий йиғилишини ўтказишга тайёргарлик вақтида акциядорларга бериладиган материаллар (ахборотлар) рўйхатини жамиятнинг кузатув кенгаси белгилайди.

1.8. Акциядорларнинг умумий йиғилишини жамият кузатув кенгашининг раиси, у узрли сабабларга кўра бўлмаган тақдирда эса, жамият кузатув кенгашининг аъзоларидан бири олиб боради.

II. АКЦИЯДОРЛАР УМУМИЙ ЙИҒИЛИШИННИНГ ВАКОЛАТ ДОИРАСИ.

2.1. Акциядорлар умумий йиғилишининг ваколат доирасига қўйидагилар киради:

2.1.1)жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш;

2.1.2)жамиятни қайта ташкил этиш;

2.1.3)жамиятни тугатиш, тутатувчини (тутатиш комиссиясини) тайинлаш ҳамда оралиқ ва якуний тугатиш балансларини тасдиқлаш;

2.1.4)жамият кузатув кенгашининг ва миноритар акциядорлар кўмитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;

2.1.5)эълон қилинган акцияларнинг энг қўп миқдорини белгилаш;

2.1.6)жамиятнинг устав фондини (устав капиталини) кўпайтириш;

2.1.7)жамиятнинг устав фондини (устав капиталини) камайтириш;

2.1.8)ўз акцияларини олиш;

2.1.9)жамиятнинг ташкилий тузилмасини тасдиқлаш, ижроия органини тузиш, унинг раҳбарини сайлаш (тайинлаш) ва раҳбарнинг йиллик фаолияти натижаларини куриб чикиб, раҳбарлик ваколатини бекор қилиш ёки узайтириш ҳамда йиллик фаолияти оралиғида кузатув кенгашининг ташаббусига кўра раҳбар меҳнат шартномасида белгиланган уз меҳнат вазифаларини кўпол равища бузганда ваколатини муддатидан илгари тугатиш;

2.1.10)жамият тафтиш комиссиясининг аъзоларини (тафтишчисини) сайлаш ва уларнинг ваколатларини муддатидан илгари тугатиш, шунингдек тафтиш комиссияси (тафтишчи) тўғрисидаги низомни тасдиқлаш;

2.1.11)жамиятнинг йиллик ҳисоботини, йиллик бизнес-режасини тасдиқлаш;

2.1.12)жамиятнинг фойдаси ва заарларини тақсимлаш;

2.1.13)жамият кузатув кенгашининг ва тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан жамиятни бошқаришга доир қонун хужжатларида белгиланган талабларга риоя этилиши юзасидан жамият кузатув кенгашининг ҳисоботларини ва тафтиш комиссиясининг (тафтишчисининг) хулосаларини эшитиш;

2.1.14)жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;

2.1.15)қимматли қоғозларнинг ҳосилаларини чиқариш тўғрисида қарор қабул қилиш;

2.1.16)жамиятнинг корпоратив облигацияларини қайтариб сотиб олиш тўғрисида қарор қабул қилиш;

2.1.17)имтиёзли ҳуқуқни қўлламаслик тўғрисида Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисидаги Қонуннинг 35-моддасида назарда тутилган қарорни қабул қилиш;

2.1.18) Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисидаги Қонуннинг 34-моддасига мувофиқ акцияларни жойлаштириш нархини белгилаш;

2.1.19)акциядорлар умумий йигилишининг регламентини тасдиқлаш;

2.1.20)акцияларни майдалаш ва иириклаштириш;

2.1.21)жамиятнинг ижроия органига тўланадиган ҳақ ва (ёки) компенсацияларни, шунингдек уларнинг энг юқори миқдорларини белгилаш;

2.1.22) Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисидаги Қонуннинг 8 ва 9-бобларида назарда тутилган ҳолларда жамият томонидан битимлар тузиш тўғрисида қарор қабул қилиш;

қонун хужжатларига мувофиқ бошқа масалаларни ҳал этиш.

2.2. Акциядорлар умумий йигилишининг ваколат доирасига киритилган масалалар жамиятнинг ижроия органига ҳал қилиши учун берилмайди.

2.3. Акциядорлар умумий йигилишининг ваколат доирасига киритилган куйидаги масалалар жамиятнинг кузатув кенгашига ҳал қилиши учун бериллади:

2.3.1)жамиятнинг устав фондини (устав капиталини) кўпайтириш, шунингдек жамият уставига жамиятнинг устав фондини (устав капиталини) кўпайтириш билан боғлиқ ўзгартиш ва қўшимчалар киритиш;

2.3.2)Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисидаги Қонуннинг 34-моддасига мувофиқ акцияларни жойлаштириш нархини белгилаш;

2.3.3)жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;

2.3.4)қимматли қоғозларнинг ҳосилаларини чиқариш тўғрисида қарор қабул қилиш;

2.3.5)жамиятнинг корпоратив облигацияларини қайтариб сотиб олиш тўғрисида қарор қабул қилиш;

2.3.6)жамиятнинг ижроия органи раҳбари томонидан меҳнат шартномасида белгиланган вазифалари қўпол равишда бузилганда ёки Ўзбекистон Республикаси Мехнат Кодексининг 106-моддасида назарда тутилган холатларда раҳбар ваколатини чеклаб ёки бекор қилиб, ўрнига бошқа вактинча раҳбар тайинлаш.

2.3.7)жамиятнинг ижроия органига тўланадиган ҳақ ва компенсациялар миқдорларини белгилаш;

III. Акциядорлар умумий йигилишининг қарорлари.

3.1. Акциядорларнинг умумий йигилишида овозга қўйилган масалалар бўйича қуйидагилар овоз бериш ҳуқуқига эга бўлади:

-жамиятнинг оддий акциялари эгалари бўлган акциядорлар;

-Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисидаги Қонунида назарда тутилган ҳолларда жамиятнинг имтиёзли акциялари эгалари бўлган акциядорлар.

3.2. Овозга қўйилган масала бўйича акциядорлар умумий йигилишининг қарори, агар ушбу Қонунда бошқача қоида белгиланмаган бўлса, жамиятнинг овоз берувчи акциялари эгалари бўлган, йигилишда иштирок этаётган акциядорларнинг кўпчилик (оддий кўпчилик) овози билан қабул қилинади.

3.3. Акциядорларнинг умумий йигилишида овозга қўйилган, ҳал қилиш чоғида жамиятнинг оддий ва имтиёзли акциялари эгалари бўлган акциядорлар овоз бериш ҳуқуқига эга бўладиган масала юзасидан овозларни санаб чиқиш овоз берувчи акцияларнинг барчаси бўйича биргаликда амалга оширилади.

3.4. Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисидаги Қонуннинг 59-моддаси биринчи қисмининг иккинчи — тўртинчи, олтинчи ва ён тўртинчи хатбошиларида ҳамда 84-моддасининг иккинчи ва учинчи қисмларида кўрсатилган масалалар бўйича қарор акциядорлар умумий йигилиши томонидан акциядорларнинг умумий йигилишида иштирок этаётган овоз берувчи акцияларнинг эгалари бўлган акциядорларнинг тўртдан уч қисмидан иборат кўпчилик (малакали кўпчилик) овози билан қабул қилинади.

3.5. Акциядорларнинг умумий йигилишини олиб бориш тартиби бўйича акциядорлар умумий йигилиши томонидан қарор қабул қилиш тартиби жамият акциядорлари умумий йигилиши қарори билан тасдиқланган Умумий йигилиш тўғрисидаги Низомда белгилаб қўйилади.

3.6. Акциядорларнинг умумий йигилиши кун тартибига киритилмаган масалалар бўйича қарор қабул қилишга, шунингдек кун тартибига ўзгартишлар киритишга ҳақли эмас.

3.7. Акциядорларнинг умумий йигилиши томонидан қабул қилинган қарорлар, шунингдек овоз бериш якупнари бу қарорлар қабул қилинган санадан эътиборан ўттиз кундан кечиктирмай акциядорлар эътиборига етказилади.

3.8. Акциядорларнинг умумий йигилиши томонидан давлат вакилининг иштирокисиз қабул қилинган қарорлар, шунингдек қонун ҳужжатларида белгиланган тартибда вето қўйилган қарорлар ижро этилмайди.

3.9. Агар акциядор узрли сабабга кўра акциядорларнинг умумий йигилишида иштирок этмаган ёки бундай қарор қабул қилинишига қарши овоз берган бўлса, у акциядорларнинг умумий йигилиши томонидан қабул қилинган қарор устидан судга шикоят қилишга ҳақлидир.

3.10. Акциядорларнинг умумий йигилишида иштирок этиш хукуқига акциядорларнинг умумий йигилиши ўтказиладиган санадан уч иш куни олдин шакллантирилган жамият акциядорларининг реестрида қайд этилган акциядорлар эга бўлади.

3.11. Жамият акциядорнинг талабига кўра акциядорга у акциядорларнинг умумий йигилишини ўтказиш учун шакллантирилган жамият акциядорларининг реестрига киритилганлиги тўғрисида ахборот тақдим этиши шарт.

IV. Акциядорларнинг умумий йигилишини ўтказиш тўғрисида ахборот.

4.1. Акциядорларнинг умумий йигилишини ўтказиш тўғрисидаги хабар акциядорларнинг умумий йигилиши ўтказиладиган санадан камида етти кундан кечиктирмай, лекин узоги билан ўттиз кун олдин жамиятнинг расмий веб-сайтида, оммавий ахборот воситаларида эълон қилинади, шунингдек акциядорларга электрон почта орқали юборилади.

4.2. Жамият давлат вакилини акциядорларнинг умумий йигилиши ўтказиладиган санадан камида етти кун олдин ёзма шаклда хабардор қилиши шарт.

4.3. Акциядорларнинг умумий йигилишини ўтказиш тўғрисидаги хабарда қўйидагилар;
-жамиятнинг номи, жойлашган ери (почта манзили) ва электрон почта манзили;
-умумий йигилиш ўтказиладиган сана, вақт ва жой;
-жамият акциядорларининг реестри шакллантириладиган сана;
-умумий йигилиш кун тартибига киритилган масалалар;

-умумий йигилишни ўтказишга тайёргарлик кўрилаётганда акциядорларга ва давлат вакилига тақдим этилиши лозим бўлган ахборот (материаллар) билан акциядорларни ва давлат вакилини таништириш тартиблари кўрсатилади.

4.4. Акциядорларнинг умумий йигилишини ўтказишга тайёргарлик кўрилаётганда акциядорларга ва давлат вакилига тақдим этилиши лозим бўлган ахборотга (материалларга) жамиятнинг йиллик ҳисоботи, жамиятнинг йиллик молия-хўжалик фаолиятини текшириш натижалари юзасидан жамият тафтиш комиссиясининг (тафтишчисининг) ва аудиторлик ташкилотининг хulosаси, жамият кузатув кенгашининг директор (бошқарув раиси), ишончли бошқарувчи билан тузилган шартноманинг амал қилиш мuddатини узайтириш, шартномани қайта тузиш ёки бекор қилиш мумкинлиги тўғрисидаги хulosаси, шунингдек жамиятнинг кузатув кенгashi ҳамда тафтиш комиссияси аъзолигига (тафтишчилигига) номзодлар тўғрисидаги маълумотлар, жамиятнинг уставига киритиладиган ўзгартиш ва қўшимчалар лойихаси ёки жамиятнинг янги таҳрирдаги устави лойихаси киради.

4.5. Акциядорларнинг умумий йигилишини ўтказишга тайёргарлик кўрилаётганда акциядорларга ва давлат вакилига тақдим этилиши мажбурий бўлган қўшимча ахборотнинг (материалларнинг) рўйхати қўмматли қофозлар бозорини тартибга солиш бўйича ваколатли давлат органи томонидан белгиланиши мумкин.

V. Акциядорлар умумий йигилишининг кун тартибига таклифлар киритиши.

5.1. Жамият овоз берувчи акцияларининг ҳаммаси бўлиб камида бир фоизига эгалик қилувчи акциядорлар (акциядор) жамиятнинг молия йили тугаганидан кейин кирк беш кундан кечиктирмай акциядорларнинг йиллик умумий йигилиши кун тартибига масалалар киритишга ҳамда жамият кузатув кенгashi ва тафтиш комиссиясига (тафтишчилигига) бу органнинг микдор таркибидан ошмайдиган тарзда номзодлар кўрсатишга ҳақли.

5.2. Акциядорлар (акциядор) жамият кузатув кенгаши ва тафтиш комиссиясига (тафтишчилигига) ўзлари кўрсатган номзодлар рўйхатига акциядорларнинг йиллик умумий йиғилиши ўтказилиши тўғрисидаги хабар эълон қилинган санадан эътиборан уч иш кунидан кечиктирмай ўзгартишлар киритишга ҳақли.

5.3. Акциядорлар умумий йиғилишининг кун тартибига масала уни қўйиш сабаблари, масалани киритаётган акциядорларнинг (акциядорнинг) исми-шарифи (номи), уларга тегишли акцияларнинг сони ва тури кўрсатилган ҳолда ёзма шаклда киритилади.

5.4. Жамият кузатув кенгашига ва тафтиш комиссиясига (тафтишчилигига) номзодлар кўрсатиш тўғрисида таклифлар киритилганда, шу жумладан ўзини ўзи номзод қилиб кўрсатилган тақдирда номзоднинг исми-шарифи, унга тегишли акцияларнинг сони ва тури (агар номзод жамият акциядори бўлса), шунингдек номзодни кўрсатаётган акциядорларнинг исми-шарифи (номи), уларга тегишли акцияларнинг сони ва тури хамда акциядор ва номзоднинг алоқа учун манзиллари, телефон рақамлари, мавжуд бўлса электрон почта манзиллари кўрсатилади.

5.5. Жамиятнинг кузатув кенгаши тушган таклифларни кўриб чиқади ҳамда ушбу Низомнинг 5.1- ва 5.2- бандларида белгиланган муддат тугаганидан сўнг ўн кундан кечиктирмай уларни акциядорларнинг умумий йиғилиши кун тартибига киритиш тўғрисида ёки мазкур кун тартибига киритишни рад этиш ҳақида қарор қабул қиласди.

5.6. Акциядорлар (акциядор) томонидан киритилган масала акциядорлар умумий йиғилишининг кун тартибига, худди шунингдек кўрсатилган номзодлар жамиятнинг кузатув кенгашига ва тафтиш комиссиясига (тафтишчилигига) сайлов бўйича овоз бериш учун номзодлар рўйхатига киритилиши керак, қуйидаги ҳоллар бундан мустасно:

-ушбу Низомнинг 5.1-бандида белгиланган муддатга акциядорлар (акциядор) томонидан риоя этилмаган бўлса;

-акциядорлар (акциядор) жамиятнинг ушбу Низомнинг 5.1-бандида назарда тутилган миқдордаги овоз берувчи акцияларининг эгаси бўлмаса;

-ушбу Низомнинг 5.3- ва 5.4-бандида назарда тутилган мълумотлар тўлиқ бўлмаса;

5.7. Жамият кузатув кенгашининг масалани акциядорлар умумий йиғилишининг кун тартибига ёки номзодни жамият кузатув кенгашига ва тафтиш комиссиясига (тафтишчилигига) сайлов бўйича овоз бериш учун номзодлар рўйхатига киритишни рад этиш тўғрисидаги асослантирилган қарори масалани киритган ёки тақлиф тақдим этган акциядорларга (акциядорга) қарор қабул қилинган кундан эътиборан уч иш кунидан кечиктирмай юборилади.

5.8. Акциядорларнинг умумий йиғилишини ўтказишга тайёргарлик кўрилаётганда жамиятнинг кузатув кенгаши, ушбу Низомнинг 6.11-бандида назарда тутилган ҳолларда эса, умумий йиғилишни чакиравчи шахслар қўйидагиларни белгилайди:

-умумий йиғилиш ўтказиладиган сана, вақт ва жойни;

-умумий йиғилишнинг кун тартибини ва умумий йиғилиш ўтказиш учун жамият акциядорларининг реестри шакллантириладиган санани;

- умумий йиғилишда йиғилиш кворумини аниқлаш ва овоз бериш натижаларини санаб чикувчи санок комиссияси сон миқдори ва шахсий таркибини;

умумий йиғилиш ўтказилиши ҳақида акциядорларга ва давлат вакилига хабар қилиш тартибини;

-умумий йиғилишни ўтказишга тайёргарлик кўрилаётганда акциядорларга ва давлат вакилига тақдим этиладиган ахборот (материаллар) рўйхатини;

-овоз бериш бюллетенининг шакли ва матнини.

5.9. Акциядорларнинг умумий йиғилиши кун тартибига аниқ масала қўйилишини акс эттирамайдиган таърифларнинг (шу жумладан, «турли масалалар», «бошқа масалалар», «ўзга масалалар» ва шу сингари таърифларнинг) киритилишига йўл қўйилмайди.

5.10. Акциядорларнинг умумий йиғилиши ўтказиладиган сана уни ўтказиш тўғрисида қарор қабул қилинган кундан эътиборан ўн кундан кам ва ўттиз кундан кўп этиб белгиланиши мумкин эмас.

VI. Акциядорларнинг навбатдан ташқари умумий йиғилиши.

6.1. Акциядорларнинг навбатдан ташқари умумий йиғилиши жамият кузатув кенгашининг қарорига кўра унинг ўз ташаббуси асосида, тафтиш комиссиясининг (тафтишчининг) ёзма талаби, шунингдек ёзма талаб тақдим этилган санада жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) ёзма талаби асосида ўтказилади.

6.2. Жамият тафтиш комиссиясининг (тафтишчисининг) ёки жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) ёзма талабига кўра акциядорларнинг навбатдан ташқари умумий йиғилишини чақириш акциядорларнинг навбатдан ташқари умумий йиғилишини ўтказиш ҳақида ёзма талаб тақдим этилган кундан эътиборан ўттиз кундан кечиктирмай жамиятнинг кузатув кенгаши томонидан амалга оширилади.

6.3. Акциядорларнинг навбатдан ташқари умумий йиғилишини ўтказиш тўғрисидаги талабда йиғилиш кун тартибида киритилиши керак бўлган масалалар уларни киритиш сабаблари кўрсатилган ҳолда таърифланган бўлиши керак.

6.4. Жамиятнинг кузатув кенгаши жамият тафтиш комиссиясининг (тафтишчисининг) ёки жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра чақириладиган акциядорларнинг навбатдан ташқари умумий йиғилиши кун тартибидаги масалаларнинг таърифида киритишга ҳақли эмас.

6.5. Акциядорларнинг навбатдан ташқари умумий йиғилишини чақириш тўғрисидаги талаб акциядордан (акциядорлардан) чиқкан тақдирда, бу талабда умумий йиғилишни чақиришни талаб қилаётган акциядорнинг (акциядорларнинг) исми-шарифи (номи), унга тегишли акцияларнинг сони, тури кўрсатилган бўлиши лозим.

6.6. Акциядорларнинг навбатдан ташқари умумий йиғилишини чақириш тўғрисидаги талаб акциядорларнинг навбатдан ташқари умумий йиғилишини чақиришни талаб қилган шахс (шахслар) томонидан имзоланади.

6.7. Жамиятнинг тафтиш комиссияси (тафтишчиси) ёки жамият овоз берувчи акцияларининг камида беш фоизига эгалик қилувчи акциядор (акциядорлар) акциядорларнинг навбатдан ташқари умумий йиғилишини чақириш тўғрисида талаб тақдим этган санадан эътиборан ўн кун ичida жамият кузатув кенгаши акциядорларнинг навбатдан ташқари умумий йиғилишини чақириш тўғрисида ёки йиғилишни чақиришни рад этиш ҳақида қарор қабул қилиши керак.

6.8. Жамият тафтиш комиссиясининг (тафтишчисининг) ёки жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра акциядорларнинг навбатдан ташқари умумий йиғилишини чақиришни рад этиш тўғрисидаги қарор қўйидаги ҳолларда қабул қилиниши мумкин, агар:

-акциядорларнинг навбатдан ташқари умумий йиғилишини чақиришни талаб қилаётган акциядор (акциядорлар) ушбу Низомнинг 5.1-бандида назарда тутилган миқдордаги жамият овоз берувчи акцияларининг эгаси бўлмаса;

-кун тартибида киритиш учун таклиф этилган масалалардан бирортаси ҳам акциядорлар умумий йиғилишининг ваколат доирасига кирмаса;

-кун тартибида киритиш учун таклиф этилган масала Қонун талабларига мувофиқ бўлмаса.

6.9. Жамият кузатув кенгашининг акциядорларнинг навбатдан ташқари умумий йиғилишини чақириш тўғрисидаги қарори ёки бундай йиғилишни чақиришни рад этиш ҳақидаги асослантирилган қарори йиғилиш чақиришни талаб қилган шахсларга қарор қабул қилинган пайтдан эътиборан уч иш кунидан кечиктирмай юборилади.

6.10. Жамият кузатув кенгашининг акциядорларнинг навбатдан ташқари умумий йиғилишини чақиришни рад этиш тўғрисидаги қарори устидан судга шикоят қилиниши мумкин.

6.11. Жамият кузатув кенгаши ушбу Қонунда белгиланган муддат ичida акциядорларнинг навбатдан ташқари умумий йиғилишини чақириш тўғрисида қарор қабул қилмаган тақдирда ёки уни чақиришни рад этиш ҳақида қарор қабул қилган тақдирда, акциядорларнинг навбатдан ташқари умумий йиғилиши уни чақиришни талаб қилган шахслар томонидан чақирилиши мумкин. Бундай ҳолларда акциядорларнинг умумий йиғилишига тайёргарлик кўриш ва уни ўтказиш билан боғлиқ харажатларнинг ўрни акциядорлар умумий йиғилишининг қарорига кўра жамиятнинг маблағлари хисобидан қопланиши мумкин.

VII. Саноқ комиссияси.

7.1. Овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши, шунингдек ушбу уставда белгиланган ҳолларда йиғилишни чақирувчи бошқа шахслар томонидан саноқ комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланади.

7.2. Саноқ комиссиясининг таркиби уч кишидан иборат бўлади. Саноқ комиссияси таркибига жамият кузатув кенгашининг аъзолари, тафтиш комиссиясининг аъзолари (тафтишчиси), жамият директори, жамият бошқарувчи аъзолари, ишончли бошқарувчи, шунингдек ана шу лавозимларга номзоди кўрсатилган шахслар кириши мумкин эмас.

7.3. Саноқ комиссияси акциядорларнинг умумий йигилишида кворум бор ёки йўқлигини аниқлади, умумий йигилишда овоз бериш ҳукуқларининг акциядорлар (уларнинг вакиллари) томонидан амалга оширилиши муносабати билан юзага келадиган масалаларни тушунтиради, овозга қўйиладиган масалалар бўйича овоз бериш тартибини тушунтиради, овоз беришнинг белгиланган тартиби ва акциядорларнинг овоз беришда иштирок этиш ҳукуқларини таъминлайди, овозларни санаб чикади ва овоз бериш якунларини чиқаради, овоз бериш якунлари тўгрисида баённома тузади, овоз бериш бюллетенларини жамиятнинг архивига топширади.

VIII. Акциядорларнинг ва давлат вакилининг акциядорлар умумий йигилишида иштирок этиш тартиби

8.1. Акциядорларнинг умумий йигилишида иштирок этиш ҳукуки акциядор томонидан шахсан ёки унинг вакили орқали амалга оширилади. Давлат вакилининг акциядорларнинг умумий йигилишида иштирок этиш ҳукуки шахсан унинг ўзи томонидан амалга оширилади.

8.2. Акциядор акциядорларнинг умумий йигилишидаги ўз вакилини исталган вақтда алмаштиришга ёки йигилишда шахсан ўзи иштирок этишга ҳақлидир.

8.3. Акциядорнинг вакили акциядорларнинг умумий йигилишида ёзма шаклда тузилган ишончнома асосида иш юритади. Овоз беришга доир ишончномада ваколат берган ва вакил қилинган шахс тўғрисидаги маълумотлар (исми-шарифи ёки номи, яшаш жойи ёки жойлашган ери, паспортига оид маълумотлар) бўлиши лозим. Жисмоний шахс номидан берилган овоз беришга доир ишончнома нотариал тартибда тасдиқланган бўлиши керак. Юридик шахс номидан овоз беришга доир ишончнома унинг раҳбарининг имзоси ва ушбу юридик шахснинг муҳри билан тасдиқланган ҳолда берилади.

8.4. Агар жамиятнинг акцияси бир нечта шахснинг умумий улушли мулкида бўлса, акциядорларнинг умумий йигилишида овоз бериш ваколатлари уларнинг хоҳишига кўра умумий улушли мулк иштирокчиларидан бири ёки уларнинг умумий вакили томонидан амалга оширилади. Кўрсатиб ўтилган ҳар бир шахснинг ваколатлари тегишли тарзда расмийлаштирилган бўлиши керак.

IX. Акциядорлар умумий йигилишининг кворуми.

9.1. Агар акциядорларнинг умумий йигилишида иштирок этиш учун рўйхатдан ўтказиш тугалланган пайтда жамиятнинг жойлаштирилган овоз берувчи акцияларининг жами эллик фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг умумий йигилиши ваколатли (кворумга эга) бўлади.

9.2. Акциядорларнинг умумий йигилишини ўтказиш учун кворум бўлмаса, акциядорларнинг тақрорий умумий йигилишини ўтказиш санаси эълон қилинади. Акциядорларнинг тақрорий умумий йигилишини ўтказиша кун тартибини ўзгартиришга йўл қўйилмайди.

9.3. Агар акциядорларнинг ўтказилмай қолган йигилиши ўрнига чакирилган тақрорий умумий йигилишида иштирок этиш учун рўйхатдан ўтказиш тугалланган пайтда жамиятнинг жойлаштирилган овоз берувчи акцияларининг жами кирқ фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг тақрорий умумий йигилиши ваколатли бўлади.

9.4. Акциядорларнинг тақрорий умумий йигилишини ўтказиш тўғрисида хабар қилиш ушбу Низомнинг 4.1- ва 4.3-бандларида назарда тутилган муддатларда ва шаклда амалга оширилади.

9.5. Кворум бўлмаганлиги сабабли акциядорларнинг умумий йигилишини ўтказиш санаси ийгирма кундан кам муддатга қўчирилган тақдирда, умумий йигилишда иштирок этиш ҳукуқига эга бўлган акциядорлар ўтказилмай қолган умумий йигилишда иштирок этиш ҳукуқига эга бўлган акциядорларнинг реестрига мувофиқ аниқланади.

X. Акциядорларнинг умумий йигилишида овоз бериш, овоз бериш бюллетени ва ундаги овозларни санаб чиқиш ва овоз бериш якунлари бўйича баённомани расмийлаштириш.

10.1. Акциядорларнинг умумий йигилишида овоз бериш «жамиятнинг овоз берувчи битта акцияси — битта овоз» принципи бўйича амалга оширилади, жамиятнинг кузатув кенгаши аъзоларини сайлаш бўйича кумулятив овоз беришни ўтказиш ҳоллари бундан мустасно.

10.2. Акциядорларнинг умумий йигилишида кун тартиби масалалари бўйича овоз бериш овоз бериш бюллетенлари орқали амалга оширилади.

10.3. Овоз бериш бюллетенларининг шакли ва матни жамиятнинг кузатув кенгаши томонидан тасдиқланади, акциядорларнинг навбатдан ташқари умумий йигилиши жамият кузатув кенгаши

томонидан чакирилмаган холлар бундан мустасно. Овоз бериш бюллетени умумий йиғилишда иштирок этиш учун рўйхатдан ўтган акциядорга (унинг вакилига) берилади.

10.4. Овоз бериш бюллетенида: жамиятнинг тўлиқ фирма номи, акциядорлар умумий йиғилишини ўтказиш санаси, вақти ва жойи, овоз беришга қўйилган ҳар бир масаланинг таърифи ва уни кўриб чиқиш навбати, овоз беришга қўйилган ҳар бир масала бўйича «ёқлайман», «қаршиман» ёки «бетарафман» деган мазмундаги сўзлар билан ифодаланган овоз бериш варианtlари кўрсатилган бўлиши (бундан овоз беришга қўйилган масалага «ёқлайман» деган мазмундаги сўз билан ифодаланадиган кумулятив овоз бериш мустасно), овоз бериш бюллетени акциядор (унинг вакили) томонидан имзоланиши лозимлиги тўғрисидаги кўрсатма бўлиши керак.

10.5. Жамиятнинг кузатув кенгаши ёки тафтиш комиссияси аъзосини (тафтишчисини) сайлаш тўғрисидаги масала юзасидан овоз бериш ўтказилган тақдирда, овоз бериш бюллетенида номзод тўғрисидаги маълумотлар, унинг фамилияси, исми, отасининг исми кўрсатилиши лозим.

10.6. Овоз берилганида овоз берувчи қайси масала бўйича эҳтимол тутилган овоз бериш варианtlаридан факат биттасини қолдирган бўлса, ўша масала бўйича берилган овозлар хисобга олинади. Мазкур талабни бузган ҳолда тўлдирилган овоз бериш бюллетенлари ҳақиқий эмас деб топилади ва улардаги масалалар бўйича берилган овозлар хисобга олинмайди.

10.7. Агар овоз бериш бюллетенида овозга қўйилган бир нечта масала кўрсатилган бўлса, бир ёки бир нечта масалага нисбатан мазкур уставнинг 12.64-бандида кўрсатилган талабга риоя этилмаганлиги бюллетеннинг умуман ҳақиқий эмас деб топилишига сабаб бўлмайди.

10.8. Овоз бериш якунлари бўйича саноқ комиссияси овоз бериш якунлари тўғрисида баённома тузади, баённома жумладан акциядорлар умумий йиғилишининг кворуми мавжудлиги тўғрисидаги маълумотларни ҳам ўз ичига олади ва саноқ комиссиясининг аъзолари томонидан имзоланади.

10.9. Овоз бериш якунлари тўғрисида баённома тузилганидан ва акциядорлар умумий йиғилишининг баённомаси имзоланганидан кейин овоз бериш бюллетенлари саноқ комиссияси томонидан муҳрланади ҳамда сақлаб қўйиш учун жамиятнинг архивига топширилади.

10.10. Овоз бериш якунлари тўғрисидаги баённома акциядорлар умумий йиғилишининг баённомасига қўшиб қўйилиши лозим.

10.11. Овоз бериш якунлари акциядорларнинг овоз бериш ўтказилган умумий йиғилишида ўқиб эшилтирилади, шунингдек акциядорларнинг умумий йиғилиши ёпилганидан кейин овоз бериш якунлари тўғрисидаги хисботни эълон қилиш орқали акциядорлар эътиборига етказилади.

XI. Акциядорлар умумий йиғилишининг баённомаси

11.1. Акциядорлар умумий йиғилишининг баённомаси акциядорларнинг умумий йиғилиши ёпилганидан кейин ўн кундан кечиктиримай икки нусхада тузилади. Ҳар иккала нусха ҳам умумий йиғилишда раислик қилувчи ва умумий йиғилиш котиби томонидан имзоланади.

-Акциядорлар умумий йиғилишининг баённомасида:

-акциядорларнинг умумий йиғилиши ўтказилган сана, вақт ва жой;

-жамиятнинг овоз берувчи акцияларига эгалик қилувчи акциядорлар эга бўлган овозларнинг умумий сони;

-умумий йиғилишда иштирок этган акциядорлар эга бўлган овозларнинг сони;

-умумий йиғилишнинг раиси (раёсати) ва котиби, йиғилиш кун тартиби кўрсатилади.

11.2. Акциядорлар умумий йиғилишининг баённомасида маърузаларнинг асосий қоидалари, овозга қўйилган масалалар ҳамда улар юзасидан ўтказилган овоз бериш якунлари, йиғилиш қабул қилган қарорлар кўрсатилиши лозим.

XII. Умумий йиғилишни олиб бориш тартиби.

12.1. Акциядорларнинг умумий йиғилишини жамият кузатув кенгаши раиси, у бўлмаган холларда кузатув кенгашининг бошқа аъзоси олиб боради. Агарда кузатув кенгашининг аъзолари ҳам бўлмаса, йиғилишни умумий йиғилишга келган акциядорлар орасидан сайланган йиғилиш раиси олиб боради.

12.2. Йиғилиш раиси сайлаб олингандан сўнг, йиғилишда қатнашаётганлар орасидан йиғилиш котиби сайлаб олинади.

12.3. Шундан сўнг йиғилиш раиси саноқ комиссиясининг йиғилиш кворуми хақидаги хуносасини эшишиб;

- кворум мавжуд бўлмаса, йиғилишни очиқ деб эълон қиласдан, такрорий йиғилиш чакирилиш масаласини ва такрорий йиғилиш кунини белгилаш масаласини овозга қўяди.

- квorum мавжуд бўлса, йигилишни очиқ деб эълон қилади ва қуидагиларни ўз ичига олган йигилишни олиб бориш тартиби(регламенти)ни маълум қилади: йигилиш бошланиш ва тугатилиш вақти; маърузалар ва танаффус давомийлиги; кун тартибидаги масалалар кетма-кетлиги; кун тартиби масалалари бўйича маърузачиларнинг исмлари ва лавозимлари; овоз бериш ва натижаларни эълон қилиш тартиби.

12.4. Йигилишни олиб боришнинг мазкур тартиби йигилиш раиси томонидан қатнашчиларига ўкиб эшиттирилиб, таклиф ва мулохазаларни инобатга олиб, маъкулланиш учун таклиф қилинади

12.5. Йигилиш раиси ва котиби номзодини тасдиқлаш хамда йигилишни олиб бориш тартибини тасдиқлаш, такрорий йигилиш чақириш ва кунини белгилаш масаласи қўл кўтариш йўли билан, битта қўл – битта овоз қоидасига асосан амалга оширилади ва натижалари йигилиш баёнининг кириш кисмида ёзилиб кўрсатилади.

12.6. Умумий йигилиш давомида йигилишни олиб бориш тартиби ва унга риоя қилиниши бўйича вужудга келаётган жорий масалаларни умумий йигилиш раиси яккабошлиқ асосида ҳал этади, йигилиш раисининг фикрига эътиrozлар бўлса, ушбу Низомнинг 12.6-бандида кўрстаилган тартибда ҳал қилинади.

12.7. Кун тартибига киритилган масалалар мухокамасида иштирок этишни истаганлар, оддий қўл кўтариш йўли билан мурожаат қилишади ва белгиланган вақтга музокарага чиқариладилар.

12.8. Кун тартибига киритилган барча масалалар мухокама қилингандан сўнг, йигилиш раиси кун тартибидаги масалалар бўйича овоз бериш натижаларани ва йигилиш баёнининг қарор қисмини ўкиб эшиттиради ва умумий йигилишни ёпиқ деб элон қилади.

Ушбу Низом акциядорлар умумий йигилишида тасдиқлангандан сўнг, бир нусхада барча вараклари ип билан тикилиб, умумий йигилиш раиси ва йигилиш котиби томонидан имзоланади ва корхона юмолоқ мухри билан тасдиқланади.